

OINARRIAK



COMPOSTELA

Nazioarteko XIV. Saria,
album irudidunak sortzeko

Santiago de Compostelako Udalaren
Hezkuntza Departamentuak,
Kalandraka argitaletxearekin batean,
album irudidunak egiteko "COMPOSTELA"
Nazioarteko XIV. Sarirako deia egiten du.
Hauek dira deialdiaren oinarriak:



1. Album irudidunen kategorian sar daitezkeen obrak aurkezten ahal dira album irudidunak egiteko "COMPOSTELA" Nazioarteko XIV. Sarira, hau da, irudien eta testuaren bidez egiten diren kontakizunak, testuak eta irudiak elkarren osagarria baitira.
2. Deialdi honen oinarriek haur eta gazteentzako produkzio artistiko eta literarioa sustatzea dute xede.
3. Obrak Iberiar Penintsulako hizkuntzetako edozeinetan aurkezten ahal dira, eta jatorrizkoak eta behin ere argitaratu gabeak izan behar dute nahitaez. Ez da obra onartuko baldin eta beste obra originalen baten egokitzapena bada, edo beste lehiaketaren batean saria eman bazaio. Ez dira onartuko Interneten hiru irudi baino gehiago argitaraturik dituzten lanak ere.
4. Testuaren eta irudien egileak bat edo gehiago izan daitezke, eta edozein nazionalitatetakoak. Ezin dira aurkeztu aurreko urteetako irabazleak eta Kalandraka argitaletxeko langileak eta langile ohiak.
5. Proiektuak edozein tamaina, teknika edo formatu izan dezake, baina ez da izanen barneko 40 orritik gorakoa, hau da, 40 orrialde izanen ditu gehienez babes-orriak eta azalak kontatu gabe.
6. Lehiaketara aurkezten diren egileek honakoa aurkeztu beharko dute:
 - Testuaren bost kopia.
 - Hiru irudi jatorrizko, eta haietako bakoitzaren koloretako bost fotokopia. Teknika digitala erabili bada, lanaren bereizmen handiko inprimatzeak onartuko dira.
 - Aurkezten den proiektuaren maketa bat burutua. Inprimaturiko bertsio horren diseinua, testua eta irudiak ahalik eta gertuen egon behar dute argitaratuko den liburutik.


7. Obretan ez da egile(ar)en izenik agertuko. Bai, ordea, goiburu bat edo izengoiti bat. Parte-hartzaileen datu pertsonalak gutun-azal itxi batean adieraziko dira. Gutun-azalean, nahitaez, hauxe jarri behar da: kanpoaldean, obraren izenburua edo izengoitia; eta, barnealdean, egile(ar)en izen osoa, posta-helbidea, harremanetarako telefonoa, eta helbide elektronikoa. Gutun-azalaren barrenean, bestetik, NANaren edo pasaporte osoaren fotokopia bat sartu behar da, baita egile(ar)en ohar biografiko labur bat ere.
8. Lanak Santiago de Compostelako Udalaren Erregistro Orokorrean aurkeztuko dira, edo hara bidali (Salvador Allende lehendakariaren kalea, 4, 15705 Santiago de Compostela. A Coruña. Espainia). Gutun-azalean hauxe jarriko da hitzez hitz: «Album irudidunak egiteko COMPOSTELA Nazioarteko XIV. Saria». Garraio-agentzien bidez aurkezten diren gutun-azalean ez dira sekula agertuko egileen izenak.
9. Lan originalak aurkezteko epea oinarri hauek A Coruñaeko Aldizkari Ofizialean argitaratzen diren egunean irekiko da, eta 2021eko maiatzaren 14an amaituko. Postaz edo mezulari-enpresez aurkeztutako lanen posta-zigilua, ezin izango da entregaren azken eguna baino geroagokoa izan. Epaimahaiaren erabakia 2021eko ekainaren bigarren hamabostaldian emanen da epaimahaiaren erabakiaren berri.
10. Literaturan eta irudigintzan ospea aitortu zaien pertsonak osatuko dute epaimahaia, zeinak, bere irizpide teknikoari jarraituz, zer lan saritu erabakiko baitu. Idazkaria entitate antolatzaileek izendatzen duten kidea izanen da. Saria eman gabe gelditu liteke, eta epaimahaiaren erabakia apelaezina izanen da.
11. Sari bakarra egonen da, 9000 eurokoa. Sariari dagozkion atxikipen fiskalak ezarriko zaizkio. Saria ez da ordainduko harik eta egileak lana bukatua eta argitaratzeko moduan aurkezten duen arte. Kalandrak Iberiar Penintsulako hizkuntza ofizial guztietan argitaratuko du lan saritua (galegoz, katalanez, euskaraz, gaztelaniaz eta portugesez), 2021 eko azaroan hain zuzen ere. Horretarako, behar diren argitalpen-kontratuak sinatuko dira. Orobat, argitaletxeak aukera izanen du epaimahaiaren iritziz aipamen berezia merezi izan duten lanak ere argitaratzeko. Horretarako eskubidea urtebetez izanen du argitaletxeak. Handik aurrera, egileak nahierara jokatzen ahalko du bere obrarekin.
12. Egileak/ek lehen edizioaren eskubideak lagako ditu(zte), eta hala adieraziko da Kalandrak argitaletxearekin sinatu beharreko kontratuan.

13. Lan bukatua 2021eko irailaren 3a baino lehen aurkezteko konpromisoa hartzen dute egileek.
14. Egileek beren gain hartuko dituzte sarira aurkezteko lanen bidalketa-gastuak. Antolatzaileek ez dute beren gain erantzukizunik hartuko baldin eta jatorrizko lanak galdu edo hondatzen badira, edo atzerapenagatik edo hirugarren bati egotz dakioken beste zergaitengatik lanak lehiaketan onartuak ez badira.
15. Egileek eskubidea dute hautatu gabeko lan orijinalak itzul diezazkietela eskatzeko. Horretarako, helbide honetara idatzi beharko dute: premiocompostela@kalandraka.com. Egileek beren gain hartuko dituzte bidalketa-gastuak. Horretarako, kontu-zenbaki bat emanen zaie interesatuei, garraio-gastuei dagokien diru-sarrera egiteko. Epaia eman eta handik hilabete batera eskatzen ez diren obrak suntsitu egingen dira.
16. Antolatzaileek ez dute konpromisorik hartzen saritu gabeko lan orijinalen egileekin posta edo telefono bidezko komunikaziorik izateko, ezta araudiari buruzko interpretazio edo aplikazioari buruzko argibiderik emateko ere.
17. Oinarri hauek Santiagoko Udalaren webgunean (<http://santiagodecompostela.gal>) eta bertako sare sozialetan argitaratuko dira. Deialdiaren laburpena Diru-laguntzen Datu Base Nazionalean (BDNS) argitaratuko da. Ondoren, DNBSk laburpenaren berri emango dio Coruñaeko Probintziako Aldizkari Ofizialari, argitara dezan.
18. Oinarri hauetan zerbait geldituko balitz zehaztu gabe, epaimahaiak finkatuko du, edo, bestela, lehiaketaren antolatzaileek. Lehiaketa honetan parte hartzeak oinarriak ezagutu eta onartzea dakar berekin.

Antolatzen duten erakundeak:

CONCELLO DE SANTIAGO DE COMPOSTELA
Departamento de Educación

KALANDRAKA EDITORA



**CONCELLO DE
SANTIAGO**

Departamento de Educación

Concello de Santiago de Compostela
Departamento de Educación
Edificio CERSIA
Alcalde Raimundo López Pol, s/n - San Lázaro
15707 Santiago de Compostela. A Coruña. España
dptoeducacion@santiagodecompostela.org
www.santiagodecompostela.org
Tfno.: +34 981 554 400 - Fax: +34 981 571 511

Kalandraka

Rúa de Pastor Díaz, n.º 1, 4.º B
36001 Pontevedra - España
editora@kalandraka.com
www.kalandraka.com
Tfno: +34 986 86 02 76
Fax: +34 986 10 02 80

